

Minu-uitsheutun
atusseun nete ut
mashinaitsheutshuap ka
tipapeikak atusseunnu e ishi
katshitishimikanit assinu.



Impact Assessment
Agency of Canada

Agence d'évaluation
d'impact du Canada

Canada

Eshi-takuak anite mashinaikanit

E TSHITSHIPINANUT	4
NETE UETSHIPAN	5
E ISHI UAPATAKAN	6
NEUIT ESHI TSHITUTANUT	7
Tshetshi tshishkutamatshishunanut nete minu-uitsheutun	7
Tshitimauenitakan e ishi takueitshanut kie nishtuapatamunna.	8
Tshetshi mishitakan takuaitsheun nete tipapeikanikau ka mamishat atusseunna	9
Shukashinakutan tshishkutamatun, uauitamatun kie pushipinitun.	10
TSHE ISHI TUTAKAN	11
E ISHI MINIKUIEK AIMUNA	11
MITASHTAMUK^u	11

Mashtan ka mishkutunikan 26 uapikun-pishimu 2024

ISBN: En106-271/2024Moe-PDF

978-0-660-73224-4

E tshitshipinanut

Ne minu-uitsheutun- mashinaikan tutanipan tshetshi atusseuatshet ne mashinaitsheutshuap ka tipapeikak atusseunnu e ishi katshitishimikanit assinu tshetshi ushkuishtatshishit tshetshi mishituepanitakan minu-uitsheutun. Ne minu-uitsheutun- mashinaikan tshika mishktshipanu tshe ishpish nikanitanut ae uitshi-atussemanit innuat kie ka uitshi-atussemitshit. At ne e ishi mashinaikanishtanikue kassinu auen tshi katshituakan, miam mate mashinaitsheutshuapa, innuat, apu ne muk^u nete auen tshitaimuakan, iashku, pikass tshika uauitanu tshi nitshishkuanitau innuat.

Nete uetshipan

Papissenitanu katshi takushit kauapishit e mishkutshipan kie eshk e mitenitakuat miam neme e tipaninakan innu nenu e ishi-innuat, nete e utshikamau-aiminanut, kie nete pikassun, ne utaua-tshishe-utshimau atusseshtam^u tshetshi minupinanunit ashit Innuat, Essimeuat kie mashinuat. Mashinaitsheutshuap, issishuemikuan nishtuapatam^u ne Canada ka ui mishkutunat innu kie e tipanitakan, kie ui atusseshtam^u tshetshi itshetishinak ne ishi ueuetitshuanitanit kie e ishi mamitunenitanit. Pashtisse e uauitakan minu-uitsheutun, tshika ui uapatiniuanun eshakumitshishikua. Mishta apitin tshishkutamatshishun, tapuetatshishun, nishtuapatamun kie tshiaminiun, nete u ka takueitshesht e mishituepanitan nete kassinu mashinaitsheutshuapit.

Ne tapueuan kie minupanitan mamuitun, nete 2015 umashinaikan, [Tshissinuashtakan tupueuan, minupanitan aishkat](#), ishi uauitamupan minupanitanun natim e atusseshtakan kie ne tshitimauenitamun. Tshissinuashtapan ne [Tshishe-utshimauat mamuitun utaimunau ne innu-tipenitamunna](#) pitshitanam^u takueitsheun, tan tshe ishi peshauet ne minu-uitsheutun tshetshi nikanipinitakan Canada ume nishinnu-tshishe-mitashimitinnu pupun. Ne mashinaitsheutshuap tapuetatshishupan tshetshi tutak atusseunnu tshetshi minu-utataik nenu ua utataik kie nenu tshetshi nashamuat Tshishe-utshimauat mamuitun utaimunau ne innu-tipenitamunna kie tshetshi nakuteunitak tshetshi tshitimauenitakanit innu-tipenitamunna.

Ne tapueun kie minu-uitsheutun ne mashinaitsheutshuap nishtutam^u tapuetatshishunnu kie tan tshe ishi atusseshtak tshetshi nashamuat nenu utauau-tshishe-utshimau kie tshetshi ait ishi minu-uitsheutinanut, innuat mak kakusseshit/akanishauat, tshishe-utshimauat kie Essimeuat. Ne mashinaitsheutshuap shaputuepanu e ashpitishimuatshet nenu utat ka ishpish atusseshtuat innua, utaitunnu, takuaitsheun ka tutak, uauitshiaushiun nete shuniat, e natipishtatunanut kie ne ua minutan ne ua nitshishkuanit innuat kie neme etatu ua minu atussanut. Nishtutatun takun e minu-tshitapanit atusseun ka mamishat. At ne ua natshishtakan ne minu-uitsheutun mashinaikan kakun tshekuan tshi nitshishkakan, ne ishi pukushenutamat tshetshi shutshenitakau innuat nenu takuaitsheunna kie e ueuetshishiuatakan ka mashat atusseun ute Canada apitin ne e tshitutakan atusseun tshetshi utataikan ne ua utataikan.

E ishi uapatakan

E ishi uapatak ne mashinaitsheutshuap neuit tshika ishi atusseshtanu kie tshekuan ne nikanishtakan tshetshi nikanitanut ne tapueuan kie minupanitan: shutshikaputan minu-uitsheutan, tshetshi tshitimauanitakan e ishi takuaitshanut kie tshissenitamunna, tshetshi mishitakan takuaitsheun nete tipapeikanikau ka mamishat atusseunna, katshishkutamatshanut kie ua pushipinianit innuat.

Ne papeik^u tapuetatshishunanun tshetshi tshikanakutan nete kupaniesh kie tshetshi minu-uitakan tshekuannu e ishi nakunit ne mashinaitsheutshuap ashit ka uitshi-atussemat innu. Ne nitapuetatshishunan tshika matshipinu neme tshe ishpish uitshi-atussemitunanut kie tshe ishi uauitemimet innuat.

Ne atusseun tshika shutshiteieshkueu mashinaitsheutshuapinu e tshitimauenitak kie e ishi mamitunenitimit nenu Tshishe-utshimauat mamuitun ute e ishpitishkamikat assit kie ume e ishi nashakanikau:

- ✦ Tshetshi tshitimauenitakan, e iminanut kie e ietunanut, ne innua tipenitamunna ne e ishi nishtuapatakan ne tshishe-utshimashkuessiu mashinaikan 35 ka pimapekashtet, kie tshetshi tshitimauenimakan tshishe-utshimau nisht;
- ✦ Minanut innuat tshetshi uauitshianit nete shuniat tshetshi tshikanakutata e pushipanitau;
- ✦ Tshetshi natshishtakan tatipan e ishi inniunanut ne ua minu-uitsheuanit kie minu-pinianit innuat.

Ne ua utataikan ne atusseun katak e uapatakan:

- ✦ tipapaikanikau atusseunna ka mamishat tshetshi pitshitinimitau innu-assia eka e ushkuishtuanit, kie e tshikanakuwet;
- ✦ tshetshi eka tshunikanikau nenu e nikashkakuwet innuat e tipapaikanikau ka mamishat atusseun;
- ✦ tshetshiminutakanshutshenitamunkietshikanakutaunneinnuatutshissenitamunuau e tshitaninit, akua tutaninit kie makipitanit;
- ✦ tshetshi tshunakanit e ishi nanikashkakuwet innu tshetshi atusseiakana kie tshetshi kunenimanit nete mashinaitsheutshuapit, kie tshetshi etatu mitshetatau;
- ✦ tshetshi minu-tshishkutamuanit, e ishi-pukutatau kie tshetshi minu-uitamuanit kupanieshit nete mashinaitsheutshuap tshetshi tshitimauenimatau innu.

NEUIT ESHI TSHITUTANUT

Tshetshi tshishkutamatshishunanut nete minu-uitsheutun

Ne mashinaitsheutshuap tshika ui nishtuapatam^u innu ushkat katshi atanit kie tshi takuaimupan utassiuau kie utipenitamunuau eshk^u eka ne tshishe-utshimashkueu shitshishtat utipenitamun, kie shaputuepanipan innuat e nakutuenitakau utassiuau. Ne mashinaitsheutshuap, uaunua ne innuat e tapishinitau nete ashit assinnu, kie peikuen nenu e ishi tshitapatakau utshimau-nish mashinaikannu, ne ua minupanitunanut tshika anu pashtissesahanu e ishi tshitapatakanikau.

Tshetshi shakassinitat ne mashinaitsheutshuap utatusseu-ua nikanipinutakan minupanitun tshika ui minu-tshitapakanu e ishi-tapishiniak ashiiinnuat. Ishi nanituenimikuen tshetshi tipapaikaikan ne atusseun kie nete upime, kie takun nete takueitsheun kie tan tshe ishi tshitutanut. Ne, ninan ka mishkutipishtuat tshishe-utshimau nisht, ashitshitau, ashinetau, pitukutatau kie peikuit ishi atussetau.

Tapuetatshishunna:

- ✦ Atusseshtetau ne [nitshishkatun-mamuitun](#).
- ✦ Tshimitakan kie shukashinakutan atusseun ashit innu-mashinaitsheutshuapa tshetshi minu-matinimatshishunanut aimun ne nikan tshe ui ashtakan.
- ✦ Tshimitakan kie shukashinakutan aimitun ashit innuat, e nitshishkatunanut nete upime mat kat nete atusseun.
- ✦ Atusseshtakan tshetshi petakan takuaitshun nete kassinu uiesh nete e tat innuat kie tshetshi kunenutan kie tshetshi aimitunanut, nishtuapimitunanut mauat uin atusseun.
- ✦ Kie tshetshi tutakan atusseun tshetshi petuanit anitshen innuat utenat ka apit kie mak nete upime utassiuauat ka apit kie tshetshi tshimanit.
- ✦ Tshetshit atusseshtakan tshetshi eka tshipishkakuat kie nanikan tshetshi uapatan tshekuan tshipa tshipishkatshemikuet neme e tipapeikanikau kie tshets ishi katshitauet atusseunna-ussinitshishuat, auassat, ishkieuat, napeuat, kamassit, kie anitshenat uitshi-ishkueu kie mak uitapeua ka ishi minuatat.
- ✦ Tshetshi uitshi-atussemanit pitu-tshishe-utshimautshuapa, tshishe-utshimauat kie takueitsheun-mashinaitsheutshuapa ka uauitshiat innua e tshitapatakan ka mamishat atusseuna ne muk^u tshiam ne tshetshi tipapeikakau anitshenat ka ui pimutata kamamishat atusseuna kie mak ka ui tauatshet ka mamishat atusseuna.
- ✦ Tshetshi mishkuenitan tan tshei ishi peshuapimakanitau innuat tshetshi matinimatshishunanut aimun kie uitshi-atussemanit innuat ka mashinatautshishutau nishtutataunna kie tshetshi minunakutan minu-panitun ashit tshishe-utshimau nisht, tshetshi « pimipitakan » tipenitamun.
- ✦ Tshetshi tutakan atusseun tshetshi mitshiminanit innuat kie nukutan ua uitshi-atussemanit ne takueitsheun mashinaikan, i shi pimutanut kie ua ishi tshitutakan, kie tshetshi tatau innuat.



Tshitimauenitakan e ishi takueitsshanut kie nishtuapatamunna.

Anitshenat innuat shashish uet kunenitakau utakueitsheunau, matau-nakunipan, kie animinipan tshetshi nishtutakanikau, tapitinipan kie minu-tapitinupan utassiuaut. Anitshenat takueitsheun takunipan mamuitunna kie takueitsheunna kie tshipatshi ishi tshitapatannu miam tshishe-utshimau mashinaitsheutshuap kie ka ashpitshitanikanikau. Ne innu-takueitsheun mashinaikan ka ui mishkutu nanit innuat nenu e ishi ka ishi takueitshetau ui tshipaikaninipan tshetshi ne ka uapishit apitshitanit utakuetsheunna. Tshetshi shutshiteieshkakin ne ua minupanitunanut tan ua ishi inniunanut, nete tshishe-utshimat kie essimeuat kie tshishe-utshimau nish, ne mashinaitsheutshuap tshipa ui nishtuapatam^u kie ishpiteinitam^u, kie tshetshi shutshiteieshkauat innu ua tshishpuatshishiuatshenit ua kamamishat atusseun e uauitakanikau.

Ne innu-tshissenitamun uapataniueu innu-atunnu, innu-aimunnu, tipatshimunna, takueitsheuna kie nete ka ueueshtakan e kunenitakau innuat. Innu-assit ishi tutanipan, mautanipan kie aiatshimikuen. Ne mashinaitsheutshuap nishtaupatam^u innu-tshissenitamunnu ne e tipapeikan ka mamishat atusseun kie tekuat tshetshi tshishpeuatakan kie minu kunenitakan innu-tshissenitamun kie tshetshi eka uauitanikau. Shutshenitamun ashtakan kie uitshi-atussemitun ashit innuat tshika uitshiku nenu ne mashinaitsheutshuap tshetshi tutak kie mitshiminak minu-atusseunnu tshetshi anitshenat innuat utshissenitamunau apitshitaninit.

Tapuetatshishunna:

- ✦ Tshetshi atusseuatshet e ishi kunenitashit ne mashinaitsheutshuap tshetshi shutshiteieshkuat kie tshetshi uitshianit kie pushipinianit innuat e tipapeikannikau atusseuna ka mamishanit e nashakanikau takueitsheunna uinuau e ishi minuskakuat, e ishi inniutau kie e ishi pimutetau. Tshetshi tatakan atusseun tshetshi eka tshekuanu tshipishkakuat ne mashinaitsheutshuap.
- ✦ Tshetshi uitshi-atussemanit innuat neme takut tshi minu-tipapeikan atusseun eshk eka tutakan innuat utshissenitamunuau e ashpitishimuatshanut kie takut tshi utinikan aimun.
- ✦ Tshetshi nashuanit anitshenat ka ui tshimitatau ka mamishanit atusseunna tshi uitshi-atussematau innua e ashtatau innu-tshissenitamunua.
- ✦ Tshetshi atussemanit innuat neme takut tshetshi minu-tipapaikan atusseun eshk e minu-tshitapatakan innu-tshissenitamun.
- ✦ Kuishk kie tshetshi tshikanakutan atusseun ne tshe ishi atussanut kie tshetshi minu-uitakan tan e ishi tshitapatakan ne innu-tshissenitamun e tipapeikanikau ka mamishat atusseun.
- ✦ Tshi minu-nakutuenitan ne e ishi pimutanut shutshenitakuat nete e ishi inniunanut, tshetshi minuenimitauat innuat ashu-pitshimitau utshissenitamunuaua.
- ✦ Tshetshi mishituepanitan ne ua nitshishkuanit kie kunenimanit tshetshi pushipinianit neni innuat e ishi-takueitshetau tatuau e uishamukuiak.

Tshetshi mishitakan takuaitsheun nete tipapeikanikau ka mamishat atusseunna

Ne mashinaitsheutshuap tshika ushkuishtatshishu tshetshi utat ashtat nenu takut tshi takueimukanitau innuat muk^u tshetshi uitshi-atussemakanitau. Shaputuepanu e shutshiteieshkuat innua tshetshi uitshi-atussemanit tshetshi petatau innu tshetshi tipapeikaminit ka mamishat atusseun kie innuat tshetshi takueitshetau. Ne e ishi atussanut uitshieue tshetshi upime ashtakan ne kauapishit e ui takueimatshet mishkuet tshetshi ishpenitakanit innu ua tshitapimitshishut kie ua tipenimitshishit.

Tshetshi minushkatshet ne ua ishi atussanut ne minupanitun ashit ne Tshishe-utshimauat mamuitun utaimunau ne innu-tipenitamunna tshetshi pashtshisseshkan ne natipishtatunkie uitshi-atussemitun tshetshi mamuitunanut. Minu-apitin minat peikaua e takussanut ne ua minu-aimitunanut innua mak kassinu auen tatipan e ishi-inniunanut, essimeuat kie ne tshishe-utshimau nish.

Tapuetatshishunna:

- ✦ Tshiet tshetshi kukuetschimanit innuat tshi tapuetamukuen neme e tshitshipinanut e tipapeikan ka mamishat atusseun.
- ✦ Tshetshi shutshiteieshkan ne e ishi peshuapamanit innuat neme tshe tipekaitshanut.
- ✦ Tshetshi uitshi-atussemanit innuat tshetshi pushipinianut, ne tepapeiketshanut ka mishat atusseunna tanite ua tanut, kie tshetshi pitshitinak ne innua ka ishi atusseutet, kie tshi tshitapatakanit nem utinak tshishe-utshimau utaimun.
- ✦ Tshi atusseshtakan ne innua e ishi minushkakuat, e ishi minuatak kie ishi inniut neme tshe ishi atussanut kie tshe ishi pimatat ne mashinaitsheutshuap kie tshe ishi tipapeikak ka nanitussenitakan.
- ✦ Tshi uitshianit innuat tshetshi kie uinuau uitakaku mak mashinaikanishtakanikau aimunna kie ne ua utinak tshishe-utshimau aimunna.
- ✦ Tshi uishamanit innuat neme ua utinikan aimun eshk eka tshitshue utamaikan aimun.




Shukashinakutan tshishkutamatun, uauitamatun kie pushipinitun.

Ne mashinaitsheutshuap tapuetatshishu tshetshi mamunat innua kie kassinu auenu tatipan ka ishi inniunit Ne tapuetatshishun, tshika ui ushkuishtatshishunanun kie tshika mishituepanitanu tsheshi anitshenat innuat nishtuapatamatau nenu mashinaitsheutshuapinu, kie tshi mitenitakau kie shutshiteieshkuanitau. Issishuemikuen tshika ui tutanu atusseun kie tshika ui pikunakanu ne tshepishkaku et innu ua nanatu-atusset, kunenitak utatusseun nete mashinaitsheutshuapitr. Ne tshika ui nanatuapamanut katusseshit kie tshetshi tshishkutamuakanitau -tshetshi inniuimikuat ne tapuetatshishun ne mashinaitsheutshuap ua atusseuiat mitshetuin e ishi-inniunit auenu.

Kutak tshekuan e natshishtakan tshetshi minuenitaku et kie minuiminanun e atussanut, ishpitenitamun, pushipinitun eku et ne tshetshi minutakan atusseun tshetshi mitshetuit tshetshi ishinaku et nete mashinaitsheutshuapit. A pashtesseshkakan ne tshishkutamatsheun, issishuemikuen anitshenak katusseshit mitshetuit tshika ishi inniunit kie mitshetuit tshika utshipanun, mitshetuit tshika ishi aimut kie innu-aitun, kie anu nete e tshikanakushit tshetshi tatau.

Tapuetatshishunna:

- ✦ Tshetshi ashtakan atusseun tshetshi kassinu auen tapishkut tutuakan, mitshetuit e ishi inniunanun kie tshi pushipinianit katusseshit ne mashinaitsheutshuap.
- ✦ Tshetshi [tshikanakutan ne ua ishi atussanut mamuitunanun nete eitshit e ishi inniunanun: minupanitun nataupatanu tshetshi pashtesseshkan ussi-atusseun](#) kie tsheshi itshetishinikan tshekuanu innu e tshipishkaku et innu a nanatu-atusset nete tshishe-utshimat, katusseu-tshitapatakan tshetshi apitshitat innu e natu-atusset.
- ✦ [Ne ka tepuatakanit aitun 57 nete tapueun kie minupanitun mamuitun](#), tshi tshishkutamanit kupanieshit nete mashinaitsheutshuapit, kie anitshenat ka takueitshet, kie uitshi-atussemanitau ute Canada, nu utshissenitamunua kie e ishi inniutau. Ne tshishkutamatsheun, kitsha ashpitishimuatsheu, ne atusseun e ishi unipanitanikau.
- ✦ Tshetshi uauitan kie nishtuapitiniunanun innuat, innu-aitun kie innu-aimunna kie tshetshi shutshiteieshkuanit innu-pakassunna, e ishpitenimanit, e pashtshissishkatunanun, e tshitapatanit ne tshishe-utshimau ua utataik nenu ua uauitshiat kie uitshi-atussemat innu, e imituanun kie tshetshi tshikanakushit innu.



Tshe ishi tutakan

Tshika mamuneu ne mashinaitshetuap kupaniesh tshetshi atusseshtakau nenu atusseunnu, kie tshetshi tshitapatakan tan ua ishi tshitutan e tikuapekesh, mak katak e uapatakan. Ne tshe ishi tshitutakan ne atusseun tshika tshitapatanu ne e ishinakuet kie e ishi innunanut nete uashka, kie ne miam ua apitshitakan kie anitshenat takuaitshuap mashinaitshetuapat.

E ishi minikuiek aimuna

Neme takut tshi nashak ka ishi tapuetatshishut, ne mashinaitshetuap tshika tutam atusseunnu e minuanut kie tshetshi tshitakan. Tshika nashanu kie tshika uitanu nete peikuau pupunna mashinaikan, nete ut 2024-2025 mishta-tshitashunna.

Mitashtamuk^u

Ne kanakutuenitak e ishi katshitauenit assinu AEIC ute Canada uitshi-atussemeapan peik^u pikassun-mashinaitshetuapinu ne e uaitakan ua minu-uitsheutunanut kie ua minupanitan E nukunitakushitau aueshishat apitinu tshetshi tshikanakutanit innuat utuashishimuu kie tshi nukitanit na assi, tshishik^u, kie nipi. Tshi tshissiumikunnu ne uashishat uatukuau, ki uitshiuau tshetshi akua tutakanit. Ne kaitishinateuan ne nen tatipan e ishi-inniunanut ute Canada ek ne ishkuasseun, ishkuteu e tshissinuashtakan. Ek ne kunikan, maikan e uaueshiukuaput ishi tshissinuashtakanu. E mamuitut aueshish e mushuanit e papamutet, ne maikan tshitissiumikunu e mamu-atussanut tshetshi tutakan ne atusseun tshetshi minu-uitsheutunanut kie minupanitanut, ek na kauaiat, e tapishinanut kie kassinut e apitshitiat kie e uaitshitiat innuat, aueshishat, kie kassinu tshekuan e inniuimikuet.

